

廣德州志

EM 230.115

134
40
= 4

廣德州志卷九

營建志 學校三

學校 三

舊復初書院明嘉靖初判官鄒守益所建者即以尊經閣

為之萬曆間禁立書院遂廢詳見尊經閣李志歲貢生李邇

泰於青雲樓側新建書院案邇泰貢於康熙四十九年則所建書院係康熙年間事

迎鄒東廊及從學九人並邇泰父李怡璿木主共祀之

案東廊木主稱迎祀當係學中鄒祠圯而迎祀於此者至李怡璿何以附祀亦未言其故考楊志稱李徵儀建

二楹于鄒祠後或係李氏世奉鄒東廊邇泰輒以其父從祀與雍正五年改為節孝祠

廣德州志 卷九

學校

移木主於斗南書院斗南書院另詳後乾隆四年李德洋同族

眾復建復初書院于斗南書院側房屋六間案今屋尚

主俱無存

復初書院在 文廟西本前明學正署基也地名西衙基

見康熙年魚鱗冊康熙四年移署於 文廟東六年以舊署樓

房為四先生祠三十年後又以餘地建祠祀知州毛渾

雍正間四先生祠圯別建於尊經閣左乾隆二十年間

毛公祠圯移主於學此地遂為蔬圃四十七年知州石

應璋從輿議以正誼書院近市湫隘因於此創建書院

仍榜其門曰復初儀門內講堂五楹顏曰明善堂即東
廓先生所題尊經閣下之舊名也其東爲文昌宮三
楹中奉文昌左祀鄒東廓自普濟菴移奉詳壇廟明善堂後爲
山長退息之所前有池乾隆五十七年設修志局於此
總纂周廣業植蓮其中開花甚盛因名之曰愛蓮其西
北兩傍餘地舊爲隣人佔去郡紳呈請清理學正王其
福訓導吳景濂詳請知州胡文銓勘丈斷復地址壹畝
伍分餘西北更築垣墉而基址始正

魚鱗冊在城都一畝天字壹百柒拾柒號西衙基東至
聖殿南至殿街西至許墻北至尊經閣長伍拾捌弓壹尺

廣德州志

卷九

學校

二

橫叁拾叁弓積壹千玖百貳拾
弓陸尺計地捌畝貳毫伍絲

國朝石應璋重建復初書院志序前明嘉靖中豫章鄒文
莊公謫判廣德勅復初書院維時多士奮興彬彬稱盛
會神廟飭禁而書院遂廢我

朝右文重道屢
詔郡縣各立書院康熙五年郡人建茅茹書院于明倫堂

東不久旋廢雍正八年寧郡司馬徐公來署州事于范
祠傍建正誼書院規模未備嗣長白恒公增建學舍然
亦未籌經費余于乾隆丁酉承乏茲土因集紳士圖經
久之規捐廉以倡邦人亦踴躍樂輸于是山長修膳諸
生膏火不至匱乏然終嫌學舍湫隘歲壬寅紳士以經
費稍裕請別建書院于文廟西因出前所輸者若干
緡鳩工庀材經始于癸卯二月越三月而落成仍名曰
復初俾誦習于斯者顧名思義不忘文莊理學之傳庶
幾仰副

聖主作人之意會余移守滇南紳士綜其經費定厥規條
勒爲復初書院志乞余言以并簡端爰詳其建置始末

以夔後之君子共相培植毋使淪廢是余之志也夫
河廣業題復初書院贈倪雪汀同年并山嵯峨峯鼎峙
游漢桐川縈秀水橫宇西去講堂新鼓盪春風蒸髦士
綏安自昔開儒宗玉溪扁表查清容先醒教誘洵稱善
方領矩步來雍雍朱草如鍼芝如豆初稟何人非異秀
工力全歸復執賢栽培根遂實斯茂祇今樂育歌菁莪
藻花香滿鸞聲和兩廡誦絃試靜聽扶風絳帳高才多
占六首錄四半畝芳塘浸碧漣春來種得藕如船愛他
水面平鋪鏡寫出明珠顆顆圓南塘幾許過人頭花
雨頻催可待秋昨夜漲痕添五寸波心皓月一輪浮
鷗眠鷺立自相親獵菰蒲亦作隣風味乃翁堪想見
看從初日倍精神插柳沿溪長嫩條漢南他日恨難
消只今葉葉花際文瑞龍陽欲細描詩成同事戈
仲占章仲山潘汝霖濮陽醇甫沈坦人煥文王羨遇各
有和章既而花連發數十朶疊前韻六首錄三家近西
湖清且漣曉涼唱徹采蓮船此花臭味真吾輩不比輕
萍逐浪圓不染纖埃方是淨漫施膩粉豈能勻夜來

廣德州志

卷九

學校

風雨驚鷗夢認取亭亭玉立身東廓風流近可親龍
谿洪甫接芳隣靜看出水芙蓉意傳得當年象外神
戈漆前題次韻錄一風晨月夕數相親君子花為君子
隣一自濂溪評定後更誰揮灑與傳神章毓良錄一
不貪雪藕長千條最喜煩襟對此消借問寫生誰妙手
藐姑山上倩同描潘躍龍錄一蒲掠涼飈藻纈香一
株倒影浸鴛鴦淨綠會結西來佛楚客空聞賦集裳
濮陽狎錄一移來泮水倍相親未許凡葩近作隣冰雪
肌膚空比似靜中領畧是丰神沈履仁錄一花開菡
菖記從頭鑿此方塘二十秋不是移根來玉井那教水
面有香浮沈煒錄一雙雙白鷺立灘頭楊柳風涼六
月秋一曲蓮歌新唱徹水雲鄉裏暗香浮王文琴錄
一栽蓮自合愛蓮人一朶清香細復勻漫道淤泥全不
染由來仙骨是君身胡文銓癸丑五月八日復初書
院送諸生肄業作草靡東西為嚮風從無小大噉鸞中
承師端在鍼磁引聽講緣知水乳融活潑桐流觀有本
峻嶒筌岫想成功自茲雅化駁駘上不倦栽培六載同
周廣業癸丑五月二十四日復初書院課士用胡衡

齋太守韻積雨初收舶趙風英流雲集講堂中銜魚愧
我非揚震倒屣何人是孔融但使心源無點翳須知性
術有全功文莊教澤留傳遠炳燭還期日出同 王其
福總纂周耕厓修郡志竣雷主講席用前儀奉贈 王其
會披良史風新沾化雨絳紗中汝南門啓來應勸關右
傳經得馬融肄雅入官宜慎始設科尚應肯悅功育材
試詠菁莪句治事慚非湖學同 胡文 初書院池
荷院長周耕厓所植去年即開百餘架今歲 初書院池
二十三諸生邀同讌賞即席呈耕厓及在坐諸君 隔
歲會栽半畝塘濂溪愛澤得綿長玉環合影雙清照衣
鉢傳心一瓣香客到靜時都入畫友從浮處儘流芳碧
箭飲滿休辭醉四座風含笑語涼 王其福前題和韻
追陪良讌傍池塘習荷風引興長天近秋時忘溽暑
境疑水國度微香旌旄駐處留棠愛珠玉揮來挹藻芳
更聽濂溪談妙諦品評淨植欲生涼 吳景濂前題和
韻亭亭菡萏溢金塘高會羣仙逸興長難得微風消溽
暑最憐淨植發幽香引杯共樂濂溪愛把酒欣歌召伯
芳追侍自慚才謏劣但看魚戲納新涼 周廣業前題

廣德州志

卷九

學校

四

和韻嘉賓高會接方塘為愛亭亭蒹葭長無語應知空
卽色靜觀別有韻生香興來移席消煩暑醉遣揮杯勸
衆芳自此江南花事盛採蓮唱徹月華涼 前題呈胡
太守兼在坐諸君淨植居然滿碧池憐渠玉骨與冰姿
金樽翠杓同歡賞淡日輕雲好護持泛綠客依王仲寶
出波賦就魏陳思敢云會費栽培力實遂根深理易知
王其福前題和韻嘉名新錫愛蓮池萬柄欣看弄好
姿花際文明增的爍客當讌會少矜持那歌太華生遐
想好仰濂溪發古思杯酒感君酬曲沼年年盛放報相
知 吳景濂前題和韻容歲方移今滿池欽君道氣發
清姿濂溪世派春風坐桐汭文才玉尺持浥露冰華邀
醉賞迎風翠蓋惹幽思坐間均歎栽培力地利人功所
共知 周廣業題 文昌宮吳會開元化文壇莅貴神
於中論秀士到此識完人寶氣思蒼頡和音協熾鈞寄
爨編儒紳

書目

十三經註疏一百二十本 經義考四十八本

衍義補纂要五本 朱註發明十本

陸大全二十四本 困勉錄十六本

十七史一百八十六本 明史七十二本

通志畧二十本 漢魏叢書六十四本

唐宋叢書二十四本 奏議六十四本

經濟類編五十本 朱子遺書十本

楚詞燈一本 文苑英華一百一本

宏簡錄六十本 東漢文鑑四本

廣德州志 卷九 學校 五

西漢文鑑四本 唐文粹二十本

宋文鑑六本 元文類十四本

金石錄六本 宋百家詩存十本

宋詩鈔二十本 元詩選三十二本

明詩綜二十四本 韻學大成四本

文範四十二本 文待二十六本

文定二十本 文閑三十本

文在二十本

以上書三十三種生員濮陽怒憲慰憲愚捐助

附漢陽恕捐書啟畧云伏願奇文共賞秘笈同珍
以秋陽好此郝隆之腹辟之香草不殊屈子之騷
曼倩才高讀至四十四萬而后蒼學博傳來三百三
千又云四庫之奇誠多未備七畧之廣尚待徐求更
祈紳士同心車共搜夫惠子足見鄉邦崇
教舍益啓於文翁久遠是垂欣幸無既

文昌通紀二本

關帝事蹟徵信編六本

以上書二種掌教周廣業捐存

萬厯志四本

生員楊浹捐存

續萬厯志四本

志局購存

楊志六本

生員劉喆捐存

門志六本

李志八本

正誼書院在州治東南狀元坊范公祠之東其址本前明

廣德州志

卷九

學校

六

南察院基也雍正八年署知州徐敦蕃創建為屋三層
俱東向顏其堂曰滙秀門題正誼書院按月課試士子
於此李志失載乾隆三十九年知州恒豫以門前尚多隙地
移建門於外更於滙秀堂前增建講堂三楹并左右舍
房十六間以為鼓篋之地自四十七年興建復初書院
之後此院遂為寅賓之所矣

斗南書院在青雲樓南屋三楹舊門南向今改右傍西向
楊門志俱未載李志附見復初書院下亦未詳建於何
年

翼興書亭在斗南書院西屋三楹西向門標翼興書亭四字前志未載興建無考中奉訓導慎菴張公署學正清須張公二神牌失其名有田道士收租詳後每歲四月初致祭其中上有西銘講席匾當係兩張公課士之所也茅茹書院楊志明倫堂東康熙五年士民公建學正荆振日撰記案今爲訓導署見前

社學萬厯志東社學在州治東舊與城隍廟對宏治十五年知州范昌齡遷建於廟左案萬厯職官志中載范昌齡十七年任而此云十五年當有誤西社學在州治西杜橋右案康熙魚鱗冊黃字二百六十號社學基丈地

廣德州志 卷九 學校 七

七分長二十弓橫八弓二尺積一百六十八弓南社學東官溝西陳牆南官街北孫地土名圓通閣

在南門內距門三十步許北社學在州治北斗門橋左

案土名沈家衝地四分四厘見魚鱗冊四學俱成化四年知州陸鳳建宏

治中知州楊樸同知楊慶重建案楊樸任在范昌齡前楊慶任在宏治末官不

同時當係前後繼修正德十二年知州周時望嘉靖七年判官鄒

守益各加修葺萬厯間知州吳同春段猷顯相繼葺而

新之楊志俱久廢康熙四年知州楊苞建新義學於東

社學故址延塾師其中願受業者入焉案未幾亦廢其

址尙在城隍廟左北社學基門外猶有磚刻北社學字

焉苟重建義學示金必就冶而成器玉必待琢而成章
人必從學而知義桐之子弟實多俊秀但家無擔石負
笈維艱遂致有用之材甘自暴棄良為可惜今本州設
立義學於城東延以塾師一切修膳之資悉為捐給聽
受業者詣館讀書無負宏獎人倫之至意為此示仰槩
州士庶人等知悉凡子弟奮進無門及父兄貧乏無力
者俱速赴義學俾朝夕訓誨以
資成材各宜勉旃毋得自誤

案郡書院創自文莊湮廢已久近始力為興復而功
緒未竟諸生肄業無所每逢課試不惜捐貲膳獎俟
經費稍充尙思有以恢廓之也

學田 祠田書院田附

學田李志學道項下田叁百肆拾捌畝柴分柒釐伍毫案坐落長岡舖原額租穀貳萬伍千貳百貳拾貳觔半每年舊例折租穀銀陸拾叁兩伍分陸釐陸毫內除納各項糧銀外餘銀解赴學道

案萬厯志載學院項下田叁百伍拾畝柴分柒釐原租貳萬伍千捌百玖拾陸觔楊門志田少貳畝租少伍百餘觔李志因之今學中所收又減李志之數而完納糧銀之外每年餘銀解藩庫兌收亦非徑解學

廣德州志

卷九

學校

九

院矣

學山李志東鄉長岡舖學莊山共拾號計肆百肆拾肆畝肆分玖釐柒毫給各佃戶取柴無租 南鄉一團安都四畝長歷山叁百陸拾畝一木東都分水嶺山拾畝一木東都一畝遺子冲山貳拾肆畝一大塘冲山拾畝一七里岡許冲保山柒拾畝一木東都二畝丹井山伍畝一道和冲葉佛保山伍拾壹畝一錢村保山柒拾貳畝伍分一楓林冲山拾伍畝一大塘冲山拾伍畝貳分一胖牛塢山貳拾畝一七家冲山拾伍畝一稻禾冲山拾

壹畝陸分一四茅冲山叁拾陸畝一四十都三畝柴山
二號共玖畝壹分一團安都二畝山貳拾畝一青坦都
一畝竹山六號共拾柒畝壹分 西鄉一木西都百家
灣山二號共計拾玖畝一杜塢冲山三號共計伍拾玖
畝一木西都二畝山肆畝一黃栗山柒畝一十六都
茅道菴山叁拾畝一旌孝都廣陵冲山陸拾肆畝 北
鄉一湖南四都一畝山叁拾肆畝零壹分湖南六都山
陸拾叁畝

案萬厯志稱舊志云本州儒學原有欽賜田山惟山

歷歲久爲民家侵業者過半師生相代不一鮮有注
意而復之者今備記其數以冀畱心學校者據而復
之一號叁拾畝一號叁畝一號貳拾畝俱在湖南六
都石子岡一號貳畝玖釐在湖南六都施村保一號
叁拾畝在十六都茅稻菴一號叁百陸拾畝在團安
都長歷山一號貳拾畝在木東都七里岡一號貳拾
畝在木東都稻禾冲貳百柒拾口號拾伍畝貳百陸
拾玖號拾伍畝貳百玖拾伍號拾畝貳百玖拾陸號
肆畝貳百玖拾柒號壹畝叁分叁釐叁毫叁百貳號

肆畝叁百叁拾叁號貳拾畝叁百肆拾捌號拾伍畝
叁百伍拾壹號叁拾畝肆百貳拾柒號拾畝肆百叁
拾捌號叁畝肆百叁拾玖號計地壹畝肆百肆拾號
拾玖畝俱在木東都茶山貳拾畝在唐上都租茶壹
百貳拾觔此後有脫簡故未竟其數今李志所列一
仍楊門志與萬厯志雖稍有異同而計其山尚有千
餘畝之多在萬厯時已云民家侵業豈越至於今而
反釐然具足耶現在學中所收十不得一有名無實
然載在魚鱗冊者仍不減千畝是康熙間丈量時其

廣德州志

卷九

學校

十一

數均會核實特百餘年來又復失業耳今據李志開
載以存其舊云又案楊志載湖忠都田叁拾伍畝零
明知州何鳳起段猷顯置每年租穀貳千觔內除納
糧外一半給發禮生一半爲學宮排蓋之用門李今志同
田現存坐落水東橋地方每年學中收租一半完納
錢糧其半給禮生如故

四先生祠田楊志學正沈儀買田叁畝坐團安都姚儀等

佃取租供祀

門李志同

案今田存儒學坐落石香爐邊

鄒東廓祠田楊志張榜助田叁畝坐南門外李天植助田

捌畝坐文昌閣邊知州段猷顯助田肆畝坐南郭大路
寧國通判戴子孝署州事助田壹畝伍分坐倉基同知
張士化助田貳畝坐北門外祀復初書院其田舊寄李
肖戶遞年取租納糧外買豕一充祭胙送州學門李
志同

案今田僅有捌畝詳壇廟段公祠條下

存忠亭田楊志學正李日滋買地租銀叁錢備取銀杏時

小祭門李
志同**案**今地無考

文昌祠田楊志共玖拾壹畝壹分肆厘地柒畝柒分柒厘
柴毫山貳拾陸畝共折租銀拾肆兩玖錢陸分每年取

廣德州志

卷九

學校

三

租納糧外春秋辦祭散胙門李
志同**案**舊志不載坐落今田
山俱無可考

九烈祠田楊志田玖畝貳分柒厘每年取租納糧外餘春

秋辦祭李志今祠圯田歸文昌閣見
後

六賢祠田楊志田陸畝捌分伍厘每年取租納糧外餘春

秋辦祭李志今祠圯田歸文昌閣見
後

閔公祠田楊志田肆拾壹畝零原在濮陽允戶內當差順

治十四年耆民孫允昌控知州秦確批撥儒學經管每
年取租納糧外餘春秋辦祭給胙案今日存儒學坐落

雙孝都一畝荷花塘祠在州治東關帝廟中春秋致祭

如故互詳壇廟

案舊志此下載崔公祠田今查田係耆民經營故移

載壇廟

青雲樓田楊志生員盧琦名趙先簡濮陽至鄭啓宸陳懋進包元翽濮陽遇肯雲銓周稷雲旭戈啓鍾李怡璠楊永年葛怡洪謹共置田壹拾畝每年收租完糧外以為會課之資李志乾隆四年知州李國相清查存田捌畝柒厘捌絲新墾河田肆拾壹畝陸分貳厘貳毫叁絲案

廣德州志

卷九

學校

三

今河田青雲樓道士卜願華管業其李公所查之田今已無存

文昌閣

即三台閣

田楊志

明甯瑞鯉助南門外田叁畝學正李

日滋買洪一聘原豐都田伍畝供祭帝君李志乾隆四

年知州李國相清查原田無存舊九烈六賢二祠俱圮

木主移閣中田亦併歸焉共拾陸畝壹分貳厘案今閣

久圮田歸青雲樓後被道士賣去乾隆二十年卜願華

贖回僅存田拾壹畝貳分

坐落小東門外餓殺圩捌分畝柒分葛家冲叁畝叁分

年收租完賦外餘辦九烈六賢祠春秋二祭

翼興書亭田案慎菴張公有田肆畝捌分坐小東門外高堤上青雲

樓道士卜願華收租納糧辦祭清須張公有田伍畝捌

分坐揚祠山殿道士宗自通耕種納糧辦祭

舊復初書院田楊志明嘉靖初判官鄒守益置膳田叁百

餘畝供四方來學資諸生紙筆燈油婚喪及修書院用

二十年督學馮天馭檄判官王杏覈之萬曆十年禁書

院田俱鬻于民間十二年知州陸長庚捐俸贖還學田

後歸督學項下

案楊志稱歸督學項下猶前明事也今學中有康熙

廣德州志

卷九

學校

間舊冊不及百畝而尙有久經失業者稽之魚鱗冊

在城都頗多孔復初田詢之學中並未管業是其失

在康熙以後矣失之前明者固不可追卽失之近今

者亦豈易言復乎又案李志稱乾隆四年李得洋同

族衆復建復初書院贖原田壹拾捌畝以供春秋祭

祀據云原田又云供祭當卽指鄒東廓祠田也今止

存捌畝已詳壇廟

茅茹書院田楊志康熙六年楊公捐俸置田壹拾玖畝叁

分遞年取租完賦外以爲書院修葺之費又生員鄭啓

宸濮陽至趙先簡陳霖雲銓周稷盧琦名包元翮陳懋
進雲旭楊永年濮陽遇皆丁儀淳戈麟長施乘龍戈襄
等置田壹拾陸畝坐落西門外玉溪關每年收租完糧
外以爲書院會課之費李志楊公田盡鬻他人續置肆
號田拾柒畝坐落東門外汪村圩沈士福趙伯達王錫
纓等經營其諸生田拾陸畝皆各家後人經營又小注
云以上兩項田今並寄儒學完糧

案此二項田今俱自立楊公祠戶辦糧殊失置田本
意諸生後人尙知在青雲樓致祭楊公其沈趙王三

廣德州志

卷九

學校

十五

姓所管田竟忘所自來矣

復初書院田乾隆三十九年知州恒豫勸捐田貳拾壹畝
四十年知州趙滂勸捐田伍拾柒畝玖分四十二年知
州石應璋勸捐田伍拾玖畝陸分五十年知州穆通阿
勸捐田拾貳畝壹分以上共田壹百陸拾畝零陸分共
收租穀壹百貳拾壹石內拾玖畝伍分乾隆五十五十
一等年暫抵與俞丁等姓未歸
其歷年捐助典田共拾肆畝零每年租穀拾
石餘係活產聽贖日後收價存公不在此數又知州趙
滂勸募朱灣埠地貳號計貳畝壹分租錢貳拾壹千文
又知州石應璋清理東西兩察院廢址歸入書院定取

東察院地租錢拾貳千文西察院地租錢肆千陸百肆拾文四十九年東察院基蓋造市房開成新街計樓房貳拾貳間平房伍拾間每年共收租錢叁百餘千又東城外迎春坊續置平房兩進共陸間每年收租錢拾貳千五十六年知州胡文銓准將西察院基租造典舖每年收租錢貳拾千遞年除納糧銀外充延請山長及諸生膏火與修葺書院之用

賑貧田李志按院曹公陳公宋公田公四院賑貧田陸拾肆畝柒分雍正十一年奉文歸州經理知州詹宜倫按畝清查除築埂蔭護學宮拋荒各田外實存田肆拾陸畝捌分壹厘每年收租叁拾石叁斗貳升內除陸石玖斗肆升柒合完糧其餘詳請賑給貧生

建平縣儒學

建平縣儒學在縣治東南縣志舊在縣東門外河堤北岸

南畿志宋建燬于兵紹興間郡守洪興祖重建萬厯志

圯於水楊志淳熙二年縣尉趙善興又建慶元間知縣

葛採以其湫隘將新之僅建大成殿而去寶慶改元知

縣章一壁建明倫堂案王遂贍學圩田記稱紹定間章君

始建考寶慶三年改元紹定當逮元至元大德間學燬

係落成于紹定間也記見藝文萬厯志明洪武中縣志洪武二十九年明知縣宋禮重

建中文廟左右為兩廡前戟門門之左右為名宦鄉

廣德州志 卷九

學校 七

賢祠又前為櫺星門文廟後為明倫堂又後為射圃

堂左為會饌堂進德齋右為祭器庫修業齋後為號房

楊志正統十年知縣李觀重修宏治辛酉水漲堤決學

遂大廢正德十一年署縣判官況照重修案宗璽撰嘉

靖辛酉廟宮圯知縣林應彩遷於縣東南半里許案建

稿稱本趙氏祖塋地遷規制未備州守鍾振知縣高常

墓改學事載趙氏譜中萬厯初也曹大章撰記見藝文

潘桂重修萬厯二十六年知縣朱之楫復建原所不數

歲水溢垣圯萬厯甲寅知州張嗣誠知縣向萼輝仍遷

於內從彤家言少改前向卽今學也天啓甲子教諭鄧

京捐金建櫺星門啓聖諸祠文昌閣魁星樓聚奎書院

觀瀾亭東西兩齋基址俱丈量勒石記附後

明宗璽重修儒學記建平儒學瀕於溪之北厓東西築
土爲隄邑之居民皆仰流而處廣德一州之水悉由是
行以注於江隄固則學完隄決則學圯往往然也宏治
辛酉歲水暴隄決學圯甲子復決益圯正德戊辰己巳
庚午間連歲決遂大圯日就荒廢逢時多事有司不暇
顧此者凡十五年或以爲言則曰力未暇且人心未樂
從也歲之乙亥縣缺尹節判况君照來掌邑事君本名
選士由大理評事歷陞右寺正左遷爲今官能不以為
失介於心旣至動以禮法故凡令下民勸趨之是歲也
監察御史張公實奉敕來督畿內諸郡學嘗趨令郡縣
修學政無或怠弛教諭黎君貫訓導施君紀丁君鑑相
與謀曰君之爲政勤民若此非所謂良有司耶乃以學

廣德州志

卷九

學校

六

之荒廢狀上于當道請君專董事君曰照知所以處此
矣乃折簡召諸大姓潘桓宗時等皆以貲來惟令之從
時郡守周公時望行縣因加勸諭焉經始於是歲之冬
先大成殿次東西廡次戟門學門明倫堂會饌堂以至
講誦之所棲息之房皆加葺治櫺星門科第坊舊用木
腐爛今各易以石尊經閣致齋所宰牲所儀門射圃廡
庫鄉賢名宦祠舊闕典今咸備其制其成也積屋凡二
十區其數總一百一十間用人之力積一十二萬五千
八百工良材堅甃之用凡二十五萬七百有奇期以丙
子歲仲秋之月落成新尹高君奎適至教護益力遂不
愆於初夫學之荒廢久矣欲完舊爲新議者固難其始
惟其令之一倡不期月間厥材不賦而羨厥工不勞而
成則向所謂力屈於他而未暇又謂人情所不樂於學
者其果然乎哉璽濫官西江今茲蒙恩俾得待罪西廣
過故鄉謁於學門喜其嚴嚴翼翼壯偉闕麗有非疇昔
荒涼之狀周視而樂道者再三然後去次日黎君率其
僚踵門請曰先生不可無記遂爲記其歲月使刻諸石
以爲良有司式鄧京儒學清界記即庠不恒厥居有

東闔內之學復有東闔外之舊學闔內之學今儒學也
於縣治位東南而河負街大街之水南北分流正繇良
而來學基脉脊也學北之東望傘巷口大街學北之西
望寺巷口大街而皆未達於街所謂橫龍宜貼脊者此
也其四界東之北起舊官井小巷尾折而東折而南又
折而東歷小巷至公館西墻頭再折而南歷公館之西
折而東歷公館南新墻至王姓樓房折而南歷王姓樓
房魁星樓基楊與沈之樓房折而東歷沈姓店墻至南
巷又折而南至河岸踏埠皆東界也南之東起南巷口
河岸歷泮池之南龍頭石直抵倉巷口河岸歷聚奎書院之
界計六十五弓西之南起倉巷口河岸歷聚奎書院之
西折而東歷錢姓門前至文昌閣折而北歷史姓歸路
及史樓墻之東折而西歷史姓樓墻後至倉巷大街折
而北歷倉巷大街至史店側墻皆西界也北之西起史
店側墻歷居民後墻至舊官井為學基北界計四十一
弓繇居民後墻至殿後墻中直八弓歷聖殿至賢門四
十七弓三三三三三三三三三三三三三三三三三三
尺合得八十一弓一尺此縱數也由南巷轉入魁星樓

廣德州志

卷九

學校

九

至泮北衡衢之東二十二弓又至泮北衡衢之西二十
五弓三尺又歷文昌閣抵倉巷口二十六弓統為灣衢
共七十三弓三尺此衡數也若夫廟堂居中撐之蓋之
塗聖之毋俾腥穢干之水火邇之以妥先聖先賢先儒
靈而博士弟子員亦施及于床蔭中央之表區而成八
正北為後屏則新築東西土墻規地一方為將來尊經
閣前丹墀址東北啓聖祠則重修兼以新創西北空地
則召門役造住歲課其地租以備廟廡諸祀樓門小修
之費正東為東齋署正西為新建長齋與西齋署正南
為前唇則補隄填闕以正之齋衢開泮以萃之東南為
天門則易民居請官地以拓之構魁星樓以表之西南
為地戶則鼎建文昌閣觀瀾亭以鎮之諸彥士復議叙
聚奎書院以翼之歲值楊柳諸樹以蔽芾之此為郎庠
之中區八表也

國朝貢震重修縣學記建平學宮自宋元以來在縣東門
之外里許址瀕於溪數有水敗明嘉靖間林令應彩度
地南門內得趙氏祖塋於清河坊形家以為吉乃以南
鄉管家園地易諸趙氏俾遷其隴而叙為學基高令常

嗣營之萬歷中向令萼輝復加修飭已而廟殿漸傾毀
崇禎十年何令宏仁更修之需銀二千餘兩邑士史大
典獨任其費又捐入學田五十畝順治初大典從孫象
先復捐貲修葺我

朝文教聿興百餘年來兩江人文甲天下而建平稍不逮
焉乾隆九年長洲韓君履會來為令謀欲鼎新文廟以
振起士風紳衿者民忻然捐助得銀三千六百餘兩經
始於十一年春三月至秋而韓君調任石埭白君福繼
之余又繼之閱七年而功始竣殿宇崇闕門廡整肅綜
理其事者教諭朱君士楷訓導劉君賜及邑士鄉耆等
實有勞焉夫設學之義昔賢論之詳矣茲邑地僻民勤
風俗淳樸而士氣不揚者何也無乃因仍故習質美而
未學者衆與聖人之教莫先於文而我
朝以經義取士蓋將使之沉潛經訓代聖賢以立言是固
非多讀書而勤為之者不能工也蘇文忠公述其鄉先
輩得書之難而深惜夫今之學者有書而不讀茲邑之
士揖讓乎泮宮喟然而深思其繇此而務學也哉夫博
覽為格物之資而明理乃躬行之路異日者蘊之深厚

廣德州志

卷九

學校

三

而發之光明其必自讀書始矣

先師廟楊志明崇禎丁丑廟宮圯鄉賓史大典鬻產修建

縣志明末毀于兵

國朝順治六年大典姪孫生員史象先捐修康熙四年知

縣李景燦修戟門及櫺星門十七年知縣張顧行重修

文廟二十四年恭懸

御書萬世師表匾額于大成殿三十八年知縣茅成鳳重

修雍正元年恭懸

御書生民未有匾額于大成殿八年櫺星門圯知縣衛廷

璞重修縣申稿乾隆三年恭懸

御書與天地參匾額于大成殿九年知縣韓履曾倡修殿
宇門廡未竟而去十一年知縣白福十四年知縣貢震
相繼成之貢自撰記附後三十四年知縣王惟一重修其
泮池舊係義士岑紹芳捐濬于櫺星門外四十五年改
建照牆填塞重開于戟門外紹芳裔孫生員玉成伊生
高生允超等捐砌教諭陳鏞撰記四十五年又募建泮
橋三而廟前規制始備

禮器楊志列爵簋簋銅象尊犧尊酒尊大香爐大花瓶

廣德州志

卷九

學校

三

小香爐

以上俱銅器

鐵香爐花瓶銅鑼火盆銅盆銅磬銅鍋

竹籩木豆滿堂紅等件縣志稱自明季兵燹悉為灰燼

康熙三十八年知縣茅成鳳教諭劉震補置後又什不
得一雍正九年知縣衛廷璞捐置帛篚白磁爵銅爵酒
罇登銅簋簋籩豆各如制

樂器縣志舊無樂器雍正九年知縣衛廷璞捐置編鐘
編磬祝敔建鼓拊鼓琴瑟簫笙鳳簫橫笛壎篪翟籥麾
引節

崇聖祠在 文廟東北天啟四年教諭鄧京建

忠義孝弟祠縣志在文廟西雍正六年知縣衛廷璞奉

文建案縣祀姚恕以下十五人

名宦祠在戟門左

神位

施德懋宋理宗時知縣事

趙時踐宋德祐年攝縣事殉難

魯鐸明永樂年知縣事

黎貫明正德年教諭

張嗣誠明萬曆年知本州事

張顧行國朝康熙年任知縣

案以上六人皆官於廣建者事詳宦績縣志稱從前

設有木主尚有周起元范承勳陳鵬年李鈞劉果張

廣德州志

卷九

學校

三

泰交張元臣余正健皆總督巡撫提學等官祀于各

學名宦祠者也

鄉賢祠在戟門右

神位

吳應龍宋嘉定進士詳名臣

章汝鈞宋淳祐進士詳名臣

孫昇明永樂進士詳名臣

謝士貞明永樂間任本學訓導詳儒碩

呂盛明宏治進士詳名臣

趙參軍祠在忠義孝弟祠之北祀宋廣德司戶參軍攝縣

事趙時踐縣申稿祠舊在東門外儒學之西明成化辛

卯知州周瑛知縣康文建嘉靖時學內徙而祠遂廢

國朝乾隆十七年知縣貢震重建于此貢有記五十五年

生員宗雨田募修邑令周作淵捐置祠田

周瑛趙參軍祠記人之所受莫如身尤莫如家乃宋趙公時踐以廣德司戶攝建平縣事德祐元年兵南下城破赴前溪死其男女妻妾童僕凡八人俱從赴溪死焉嗚呼是所謂臣以君死子以父死妻以夫死故甘心使家無噍類者與宋社既屋名用弗彰後二百年為成化辛卯蒲田周瑛知廣德州延訪故老漫無記憶今年夏讀志書見繆震起所為死節傳因告知縣康文曰聖王之制祭祀以死勤事則祀之趙公非所當祀者乎文曰唯退即學宮擇地於西址築宮方丈六月乙酉遷主其中瑛率官屬以弔以安禮成告於官屬曰人生皆有死當死而不死雖生無益也使為臣者學趙公可無賣主為子女者學趙公之子女可無賣父為妻妾者學趙公

學校

廣德州志

卷九

三

之妻妾可無賣父為童僕者學趙公之童僕可無賣主不然生也奚為文曰是祠之作大有關於世教不有述何以示來世因為論敘其事俾刻諸石以告守土諸君子貢震重建趙參軍祠記宋季趙公之死節在帝羣德祐元年同時繆震起為作傳明成化間縣令康君始建祠於學宮之西知州周君有碑記時學宮在縣東門之外嘉靖中學宮遷於南門內而祠遂廢乃奉木主入名宦祠縣令連君刻傳於石余惟趙公之高義宜有專祠乃與學博朱君劉君度地於忠孝祠之北構堂三間改題木主而配享以同時家屬死義者嗚呼士不幸而以節見慷慨之與從容固未易以優劣論也禮不云乎謀人之邦邑危則亡之公既死於封疆而一時子死其父妻死其夫僕死其主於是乎前溪渺渺遂與湘沅相流嗚呼豈非勇於赴義而全歸者與自公之沒二百年而後有祠不百年而廢又二百餘年而後復祠始建在學宮之西而今祠仍在大成殿之右意祠之興廢亦自有時而趙公之名固宜與先聖宮牆並垂不朽夫山川特大地之窪隆而城邑者郵驛也是故人不以地重

而地以人重而又况乎仁人君子之捐頂踵於茲土也與今也由祠而望步乎南門臨乎前溪悄然而思慨然而賦庶此邦之士有以知人紀之為貴而余亦不第為空言也夫

觀瀾亭明天啟中教諭鄧京建楊志今祀教諭鄧京張陽

豫于內案楊志此處作張豫陽而職官志中作張陽豫查縣志及李志亦俱作陽豫今據改

文昌祠在泮池左縣志雍正七年知縣衛廷璞教諭王家

相訓導蕭士瑛建

魁星樓楊志在明倫堂東南今廢

土地祠楊志明倫堂大門右為土地祠左為省牲所

文昌閣楊志舊學基在東城外河負墩明崇禎元年學

廣德州志

卷九

學校

十四

正鄧京丈量而為之記康熙壬寅知縣柏肯堂于其東

偏建文昌閣

國朝柏肯堂文昌閣記建邑舊學即今之甘露菴前明因水圯而遷于城其舊址為佛寺以建之大勢而論此地屬巽則文筆峯宜高宜敞因于菴東建高臺重樓用以鎮控東南之氣位文昌及魁星于上其下為諸文士課業之所計三月興工十二月告竣樓三重高四丈五尺周廣相稱飛簷層欄巍然巨觀矣予固樂觀厥成諸文士亦當勉乎哉門志

明倫堂縣志在文廟東雍正六年堂及前門俱圯知縣

衛廷璞教諭王家相訓導蕭士瑛重修縣申稿乾隆四

十七年又圯生員岑大鵬錫禧玉成鳴臯廷揚濟舟聚

五鈞贊等率族衆捐銀二千餘兩重建

尊經閣楊志址在 文廟西未建

案郎學書籍楊志列十七種縣志所列同而稱前代兵燹寸紙蕩然且尊經閣尚未建寶無藏貯之所縣申稿稱舊志所列空名而已自奉頒經史各書例入交代冊始實有存貯之書而其書目均與州同故不復載

教諭署楊志在 文廟西縣志康熙三十七年教諭劉震重修

廣德州志

卷九

學校

二十五

訓導署縣志原有二今圯其一建平存稿一在教諭衙西

一在明倫堂東

案明倫堂東今訓導現居之署也其署左餘地康熙年間借建把總署又其東

南有趙祠乃知縣貢震因學基原為趙氏祖塋地允以餘地聽其子孫建祠于此

聚奎書院縣志明天啟間學正鄧京建康熙十二年知縣

高自遠修今為義學

郎川書院在北街縣申稿乾隆十七年知縣貢震葺縣東

陳公故祠為之三十五年知縣王惟一拓地重修四十

六年知縣周作淵因其湫隘與城北育嬰堂互易即今

書院也

義學楊志樓三間在開法寺大殿後知縣柏肯堂建縣申稿康熙六年燬于火

社學萬厯志東社學在叢桂坊西社學在善政坊案楊門李志及縣志均不載所在則已久無可考矣

學塘楊志在饌堂西北約四畝許

學田縣志載現存田壹百柒拾叁畝零地叁畝玖分山伍拾肆畝又云舊志載山田塘地共叁百叁拾餘畝以今較昔已多所湮沒矣縣申稿乾隆二十八年奉各憲批發禪墩菴犯僧充公田壹百拾玖畝地叁畝收租完糧

廣德州志

卷九

學校

三

外餘爲修葺之資

書院田楊志開法寺義學知縣柏肯堂設有膳田十六畝

縣申稿知縣貢震歸入書院又歷年公捐及貢令周令

作淵畢令所所撥入田壹百叁拾叁畝陸分地柒畝伍分

山拾捌畝市房伍間取租完糧餘供膏火

